

"INTER-COM" d.o.o. ZENICA, ul. Vrandučka br. 71 B, 72 000 Zenica, zastupan po direktoru Safet Škaljić, dipl.ecc. ID broj: 4218087760006, (u daljem tekstu Prodavac)

i

KANTON SARAJEVO, STRUČNA SLUŽBA ZA ZAJEDNIČKE POSLOVE, ul. Reisa Džemaludina Čauševića br. 1 71 000 Sarajevo, zastupana po načelniku Fikret Jašarević, ID broj: 4200667410006 (u daljem tekstu Kupac) sklapaju:

U G O V O R
o uvjetima kupoprodaje robe

Član 1.

Ovim ugovorom ugovorne strane utvrđuju prava i obaveze vezana za nabavku i isporuku radne odjeće iz prodajnog programa prodavca u skladu sa ponudom broj: 0169-05/17-5 od 16.05.2017. godine, zaprimljenom pod brojem: 17-14-19163 od 22.05.2017. godine, dostavljene po pozivu za ponudom za nabavku i isporuku radne odjeće za uposlenike Stručne službe za zajedničke poslove Kantona Sarajevo u 2017. godini.

Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati iste proizvode prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Prodavac se obavezuje da će isporuku proizvoda iz tačke 1. ovog Ugovora izvršiti **franco skladište Kupca**, u ul.Reisa Džemaludina Čauševića 1.

Rok isporuke u skladu sa rokovima koji su dati u prihvaćenoj ponudi.

Član 3.

Kupoprodaja proizvoda iz ovog Ugovora obavljat će se po cijenama i kvalitetu prihvaćenim u ponudi broj: 0169-05/17-5 od 16.05.2017. godine, zaprimljenoj pod brojem: 17-14-19163 od 22.05.2017. godine (**LOT 5**) kako slijedi:

- Cijena bez PDV-a	230,00 KM
- PDV	39,10 KM
- Cijena sa PDV-om	269,10 KM

Član 4.

Isporuka proizvoda iz tačke 1. ovog Ugovora vršit će se u skladu sa rokom prihvaćene ponude (8 dana od dana prijema narudžbenice), odnosno na osnovu zahtjeva Kupca, koji će svoje potrebe iskazati kroz zahtjev i ispostavljanje narudžbenice za isporuku robe.

Član 5.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe.

Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara zahtjevima ove tenderske dokumentacije, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 6.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu). Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog ugovora.

Član 7.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 8.

Prodavac će fakturisati isporučenu robu po cijenama iz ponude broj: 0169-05/17-5 od 16.05.2017. godine, zaprimljenom pod brojem: 17-14-19163 od 22.05.2017. godine, prihvaćene po pozivu za nabavku i isporuku radne odjeće. Također, prodavac se obavezuje da će fakture za isporučenu robu ispostaviti u roku od **1 (jednog) dana** od dana isporuke.

Član 9.

Sastavni dio ovog ugovora je Odluka o izboru najpovoljnijeg ponuđača broj: 17-14-18106-12 od 27.06.2017. godine, i ponuda broj: 0169-05/17-5 od 16.05.2017. godine, zaprimljene pod brojem: 17-14-19163 od 22.05.2017. godine, kroz koju je navedena specifikacija robe (radna odjeća) koji su predmet ovog Ugovora (vrste roba sa pojedinačnim cijenama).

Član 10.

Kupac se obavezuje platiti fakturu prodavcu u roku od **60 (slovima: šezdeset) dana** od dana prijema fakture.

Član 11.

Ugovorne strane su saglasne da će sve izmjene i dopune ovog ugovora regulisati dodatnim ugovorom, nakon provođenja zakonom propisanih procedura.

Član 12.

Ovaj ugovor se počinje **primjenjivati danom potpisivanja i vrijedi do dana zadnje isporuke radne odjeće.**

Član 13.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 14.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.


**PRODAVAC: "INTER-COM" d.o.o.
ZENICA**



/Safet Skaljčić, dipl.ecc/

Broj: 261-07/17
Sarajevo, 17.07.2017 godine.

**KUPAC: KANTON SARAJEVO
Stručna služba za zajedničke
poslove**



/Fikret Jašarević/

Broj: 17-11-18106-23
Sarajevo, 11-07-2017 godine.